

- Ut feriam dictas á feritate feras.
- 25 Non ibi securum faciunt sua cornua cervum,
Defenditve sues fulmen in ore suum.
Non ibi se cursu caper á capiente tuetur,
Nec levitate lepus, nec feritate lupus.
Damma perit laqueo, rapitur lepus ore canino,
- 30 Quique satis similis esse videtur ei.
Tollitur hic animal, quod spinea silva coronat
Et de pelle sua proxima pellit aqua¹.
Insuper additur hiis cuius pars ultima piscis,
Quique gerit Veneris arma nociva sibi.
- 35 Sed neque nos fallit, quamvis sit callida, vulpis,
Seque docet nullis posse latere dolis.
Spirulus expirat excussus ab arbore: ducunt
Ocia grata nuces absque nocente sibi.
Gaudet in hastili gracili servire cathene
- 40 Hostiles corilus excoxiata pedes.
Omne animal capitur ferro, laqueo, cane, cuius
Corpora nobilium pellis honorat honus.
Docta nec evadunt animalia ponere sursum
Castra, nec in caveis cauta cavere sibi.
- 45 Cellula si frontis stomachi pulsata querelis
Officium poscat oris adesse sibi,
Seu geminum pondus relevare, laboris et estus,
Et libeat positus nos recreare cibis,
Fronde sub arborea grata residemus in umbra,
- 50 Garrula quo fontis lene susurrat aqua.
Que sumuntur ibi venandi gloria dulcis
Et rerum facies deliciosa facit.
Fercula perspicuis regalia panis in undis,
Et liquor illimis nectar in ore sapit.
- 55 Alterius species studii, si piscibus annus²
Predandi tempus prebeat atque locum.
Aut petimus fluvios per florea prata vagantes,
Pergimus aut latos illaqueare lacus.
Quoque notem bene rem, riparum desuper oram
- 60 Pronus in herbifico cespite membra loco.
Invideant studiis si tristia frigora nostris,
Destruit impositam stridula flamma struem.
Si gravis immineat estive lampadis estus,
Arboree frondis palliat umbra caput.
- 65 Pretempata tenus talo, si ponere vestes

1) Der sog. Schweinigel, welcher durch Wasser zum Aufrollen gebracht wird; dann folgt der Biber. 2) 'annes' Hs.